



Komiteti për Politikë dhe Financa

01.Nr.VII

Deçan, dt.28.07.2023

PROCESVERBAL

I mbajtur për mbledhjen e VII-të të rregullt të KPF-së, me dt.28.07.2023.

Në mbledhje merrnin pjesë: 5 anëtar të KPF-së (mungojnë: Armend Loshaj dhe Hyri Dobrunaj), drejtoresha e drejtorisë për Buxhet dhe Financa, Dafina Cacaj, drejtoresha e Drejtorisë për Kulturë, Rini dhe Sporte, Leonora Ukëhajdaraj, drejtori i Drejtorisë për Ekonomi dhe Zhvillim, Isuf Demhasaj, zyrtari i ZKK-së, Artan Ismajlaj dhe Zyrtarja për informim, Edona Kameraj.

Mbledhjen e kryesoj dhe e udhëhoqi, kryesuesi i KPF-së, zotëri Hajdar Sutaj.

Për mbledhje ishte propozuar dhe u miratua ky Rend i punës:

1. Shqyrtimi dhe miratimi i procesverbalit nga mbledhja e kaluar,
2. Shqyrtimi i Planit Lokal të Veprimit Rinorë,
3. Shqyrtimi i Planit për mbrojtjen e trashëgimisë kulturore në komunë;
4. Shqyrtimi i Planit të mobilitetit;
5. Shqyrtimi i model rregullores për taksat komunale;
6. Raporti gjashtëmujor i Kryetarit të Komunës,
7. Shqyrtimi i raportit gjashtëmujor financiar;
8. Shqyrtimi i Projekt – Rregullores për Menaxhimin e mbeturinave;
9. Shqyrtimi i Draft- Planit komunal për ri integrimin e qëndrueshëm të personave të riatdhesuar dhe integrimin e të huajve në Komunën e Deçanit 2023-2025;
10. Shqyrtimi i kërkesave,
11. Të ndryshme.

Kryesuesi- e hapi mbledhjen e shtatë të rregullt të KPF-së për vitin 2023, konstatoj se në mbledhje marrin pjesë 5 anëtarë të KPF-së (mungojnë Armend Loshaj dhe Hyri Dobrunaj) dhe ka kuorum të mjaftueshëm për mbajtjen e mbledhjes pastaj e prezantoi rendin e punës dhe e hapi debatin rreth tij.

Faton Selmanaj- ka thënë se për pikat e rendit të ditës nr. 3 dhe 4 Nuk kemi material prandaj propozoj që këto dy pika të hiqen nga rendi i ditës ka thënë ai.

Vatan Istrefaj- thotë, edhe unë kam të njëjtin mendim me Fatonin, që pikat 3 dhe 4 mos të shqyrtohen sot, meqenëse nuk jemi paisë me material, si dhe te pika nr.10-Shqyrtimi i kërkesave nuk na ka ardhë asnjë kërkesë, kurse unë kam informatë se është një kërkesë por që nuk ka ardhë sot për shqyrtim.

Kryesuesi- siç jemi marrë vesh kërkesat fillimisht duhet të shkojnë në drejtorinë përkatëse për shqyrtim e pastaj të vinë në KPF, në vazhdim i qiti në votim heqjen nga rendi i ditës të pikave 3-Shqyrtimi i Planit për mbrojtjen e trashëgimisë kulturore në komunë; dhe pika nr.4-Shqyrtimi i Planit të mobilitetit;. Njëzëri pikat nr 3 dhe 4 hiqen nga rendi i ditës me arsyetimin se nuk jemi paisë me material për këto dy pika, pastaj e qiti në votim rendin e ditës pa pikat 3 dhe 4, i cili miratohet njëzëri.

I.Shqyrtimi dhe miratimi i procesverbalit nga mbledhja e kaluar.

Miratohet procesverbali njëzëri pa vërejtje.

II.Shqyrtimi i Planit Lokal të Veprimit Rinorë.

Yllarta Thaqi-thotë, si plan është i mirë dhe më ka pëlqyer, ndërsa sa u përket aktiviteteve të vitit 2023 nuk figurojnë fare edhe pse ato po mbahen.

Drejtoresha, Leonora Ukëhajdaraj- ka sqaruar se për vitin 2023 nuk figurojnë aktivitetet sepse një herë duhet të miratohet plani pastaj të themelohet KVRL e pastaj të shkojmë me zhvillimin e aktiviteteve të ndryshme.

Vatan Istrefaj- deri sa nuk ekzistojnë strukturat e KVRL është mungesë e madhe dhe nuk është funksional Plani pa KVRL.

Faton Selmanaj- pyet, kurë do të themelohet KVRL.

Drejtoresha- përgjigjet se KVRL planifikohet të themelohet në shtator pasi që hapen edhe shkollat dhe është mundësia më e madhe e nxënësve për aktivitete.

Rekomandim: KPF pas shqyrtimit të kësaj pike njëzëri e përcjellin për shqyrtim në leximin e parë në Kuvend, pa ndryshime, mirëpo që të funksionalizohet ky plan kërkohet sa ma shpejt që të formohet KVRL.

III.Shqyrtimi i Planit për mbrojtjen e trashëgimisë kulturore në komunë.

VI.Shqyrtimi i Planit të mobilitetit;

Rekomandim: KPF i rekomandon Kuvendit heqjen e pikës nr.3 dhe nr.4 nga rendi i ditës me arsyetimin se nuk janë paisë me material për këto dy pika.

V.Shqyrtimi i model rregullores për taksat komunale;

Yllarta Thaqi, kryesuese e komisionit për përpunimin dhe harmonizimin e tekstit të kësaj rregullore, ka sqaruar se rregullorja i ka kaluar të gjitha procedurat e shqyrtimit si dhe janë inkorporuar në tekst të gjitha propozimet që kanë ardhë gjatë procedurës së shqyrtimit, kështu që si e tillë për mua kjo rregullore është ok, ka thënë ajo.

Rekomandim: KPF e shqyrtuan tekstin e model rregullores dhe pas sqarimeve të dhëna nga Kryetarja e Komisionit për hartimin e model rregullores, Yllarta Thaqi, e cila ka thënë se rregullorja i ka kaluar procedurat e shqyrtimit dhe janë bërë në tekst të gjitha ndryshimet e propozuara, model rregullorja njëzëri përcillet për shqyrtim dhe miratim në kuvend.

VI.Raporti gjashtëmujor i Kryetarit të Komunës,

Rekomandim: KPF e përcjellin për shqyrtim në kuvend raportin gjashtëmujor të punës së kryetarit pa debat.

VII.Shqyrtimi i raportit gjashtëmujor financiar;

Kryesuesi- e ka prezentu këtë pikë, pastaj e ka hapë debatin rreth saj.

Florim Mataj- thotë se vazhdimisht kam kërkuar që të ulen të gjitha shpenzimet në përgjithësi dhe prap e kam atë kërkesë-uljen e shpenzimeve.

Faton Selmanaj-thotë, raporti dëshmon se keqmenaxhimi po vazhdon.

Drejtoresha, Dafina Cacaj- sqaron se raporti paraqet pasqyrën e saktë të shpenzimeve, nuk ka keqmenaxhim por keqklasifikim të shpenzimeve, dhe kjo na vjen edhe për shkak të shpenzmimit të buxhetit me përmbarues që buxhetin e marrin aty ku e gjejnë e jo sipas planifikimit.

Yllarta Thaqi- thotë se ka shumë shpenzim të buxhetit për kontrata për shërbime të veçanta ku shumë emra nuk po figurojnë fare dhe nuk po dihet për kënd po shkojnë ato mjete, pastaj ka shtruar pyetjen se çka furnizon Hajrije Selmanaj sepse shumë buxhet ka shku për te.

Drejtoresha, Dafina- përgjigjet se të gjitha organizimet që mbahen, gjithë materiali rreth organizimit siç janë fletushkat e materiale të tjera për informim të qytetarëve përgaditen aty.

Faton Selmanaj- kërkon sqarim te-Shpenzime të ndryshme, Fekri Qufaj(shpenzime intelektuale).

Drejtoresha Dafina- përgjigjet se në atë kod janë të gjitha pagesat e komisioneve të ndryshme, dhe unë do të vazhdoj të bëjë pagesat për mëditje të komisioneve të ndryshme deri në momentin kur do të marr vërejtje nga auditori.

Florim Mataj- thotë se unë e kam ngritë disa herë çështjen e shumë shpenzimeve të ndryshme, por nuk e kam marrë arsyeshmërinë për to asnjëherë, prandaj ka shtuar ai, se është mirë që të na bindni me arsyeshmërinë e shpenzimeve, nuk shkohet kështu sipërfaqësisht ka thënë ai me i arsyetu shpenzimet e ndryshme dhe për temat të cilat i ngritim këtu duhet të epët arsyeshmëria.

Drejtoresha, Dafina- përgjigjet se për çdo shpenzim është landa komplet por për shkak të volumit të madh të materialit nuk po kemi mundësi me i sjellë këtu komplet, por nëse ju kërkon për çdo shpenzim që ju e evidentoni unë jau sjelli landën.

Florim Mataj- ka thënë, për shembëll 100.000 euro shpenzime për dreka, aty kërkoj që të specifikohet si psh kurë pagesat bëhen për dreka të klubeve sportive të ceket si shpenzim për dreka të klubeve sportive.

Faton Selmanaj- kërkon sqarim, te pagesa e Mihane Dautaj B.I., e cila i ka marrë mjetet përmes procedurës së përmbarimit, për të cilën drejtoresha sqaron se janë shpronësimit.

Yllarta Thaqi- kërkon që sqarimet të epën në mënyrë ma bindëse.

Faton Selmanaj- kërkon që raportin me jau përcjellë edhe në formën exel, për të cilën drejtoresha thotë se do të jau përcjelli edhe exel.

Drejtori i drejtorisë për Ekonomi dhe Zhvillim, Isuf Demhasaj- ka sqaruar për shpenzimet të cilat janë bërë për aktivitetin Via Ferrata, i zhvilluar për disa ditë radhazi.

Vatan Istrefaj- thotë, mirë që është financu KF “Deçani” por është mirë që të financohet edhe KF “Irzniqi”, pastaj ka kërkuar sqarim për një pagesë në emër të Veton Binakaj.

Drejtoresha – ka sqaruar se KF “Irzniqi” është përfitues me thirrje publike por pagesa nuk është bërë ende, poashtu sqaron edhe për pagesën në emër të Veton Binakaj(për arsye se përfituesi nuk ka qenë në sistem dhe në këtë rast pagesa bëhet me marrëveshjen e palëve).

Rekomandim: KPF e kanë shqyrtuar raportin gjashtëmujor të shpenzimeve, ku kanë kërkuar sqarime të ndryshme, për të cilat ka sqaruar drejtoresha e drejtorisë për buxhet dhe financa, Dafina Cacaj, pas debatit KPF e përcjellin njëzëri për shqyrtim në kuvend raportin.

VIII.Shqyrtimi i Projekt – Rregullores për Menaxhimin e mbeturinave;

Rekomandim: KPF e përcjellin për shqyrtim në kuvend pa debat dhe me vërejtjen se nuk ka ardhë në mbledhje drejtori i Drejtorisë për Shërbime Publike, për të dhënë sqarime.

IX.Shqyrtimi i Draft- Planit komunal për ri integrimin e qëndrueshëm të personave të riatdhesuar dhe integrimin e të huajve në Komunën e Deçanit 2023-2025.

Rekomandim: KPF edhe këtë pike e përcjellin për kuvend për shqyrtim, me vlerësimin e kryesuesit të KPF-së se plani është përgatitë mjaft mire, atje do të debatohet rreth tij.

Drejtoresha e buxhetit, Dafina- ka kërkuar që debatet publike për projekt buxhetin të mbahen gjatë muajit gusht sepse vitin e kaluar nuk kemi marrë poena edhe pse i kemi mbajte 7 debate por nuk i kemi mbajte në gusht por në shtator, dhe debatet të mbahen në objekt të komunës edhe këtë vit, jo në lokalitete siç kemi planifikua sepse sivjet shumicën e projekteve i kemi projekte në vazhdim, nuk janë projekte të reja.

X.Shqyrtimi i kërkesave.

1.Kërkesa e Adem Lushaj për ribotim të librit, kërkesë e cila është shqyrtuar me insistimin e drejtorit të drejtorisë për Ekonomi dhe Zhvillim, Isuf Demhasaj, kërkesë e cila nuk ju ka shku anëtarëve të KPF-së ashtu siç kërkohet me material të mbledhjes dhe ashtu siç kanë marrë qëndrim se nuk do të shqyrtohet asnjë kërkesë e cila nuk ju shkon me material të mbledhjes, si dhe nuk shqyrtohet asnjë pikë e cila nuk është drejtori përkatës për të dhënë sqarime për pikën që shqyrtohet.

Në fund pas një debati bukur të gjatë, nga i cili dolën propozime të ndryshme, KPF vendosi që kërkesa të shtyhet për mbledhjen e muajit shtator, ku duhet të vjen me material të mbledhjes edhe materiali i kërkesës.

Kryesuesi- i falënderoj pjesëmarrësit për kontributin e dhënë pastaj e shpalli mbledhjen për të mbyllur.

Procesmbajtëse

Dyke Lllolluni

Kryesuesi i KPF-së
Hajdar SUTAJ